

春在堂金書

第十二冊

春在堂輓言

德清同鄉公輓

先達眷懷故里首數我公於今重過烏巾底
厦孤寒安仰放特恩列入儒林足光邑乘
太息未臨丹旆式廬親舊倍低徊

德清後學公輓

祀典重鄉賢合與徐南陔先生伯仲之間
分片席經師尊漢學直接王高郵一派道
咸而後有傳人

臨平同鄉公輓

舊事溯雲萍想此鄉猶是枌榆自故里
移家史埭曾經

轉言
棲卅載 前蹤賸鴻雪儻異日再修志乘賴高人遺跡
鼎湖何幸附千秋

王闔運

文苑忝齊名愧我不堪仙藉注
薦章同報罷輸君自
有祖燈傳

饒應禕

碩德幾人存湖山載酒風月談詩九十年來天以清閒
留著作 名園無恙在肝膽憐才齒牙獎士一千里外
我爲耆舊痛凋零

陳洄

實至名歸合文苑儒林爲一漢支宋派繼新安高密

而三

劉炳照

老成典型又弱一个文章經術獨有千秋

洪恩波

碩望東南推一老斯文中外屬何人

方還

吳越之間一耆舊嘉道以來此學人

蔣煒祖

舊學中原成絕業曲園兩字早千秋

王元瑞

獻策誇萬千言壽我新詩傳海內
著書多五百卷知公舊學重儒林

錢儀鳳

詩筆如神一語生平真不愧
才名遠播千秋著述豈無功

朱祖懋

私淑積平生惟公經術文章四海橫
流垂正軌盛名滿天下爲我臨池染翰一聯遺墨足千秋

孫亮貴

吳苑隕星辰
恰今朝送歲迎春與司命同歸天上名
山傳著作表千秋流風餘韻知吾公長在人間

李維翰

先生著述既傳於小柳又傳於兒山吁吾道東矣
立蒼茫前不見古人後不見來者噫誰將西歸
獨

通家侍生孫家鼐

公爲三世詞臣早有文章驚海內
我是五科後輩曾
傳衣鉢到賢孫

通家晚生張之洞

儒林上壽毛朱萬

海國高名李白蘇

通家晚生準 良

天之未喪斯文等身著述

世與我而相遺歸去來辭

準 良

居今行古任定祖

解經不窮戴侍中

後學世 善

著述等身多世共尊魯殿靈光何期大野傷麟驚傳絕
筆 湖山終古在我亦有杭州舊約他日墳前下馬瞻
拜遺廬

後學林孝恂

靈光巋矣瓊樓玉宇高寒想君身斫鱸蓬池傳硯有人

生死西湖於願足 華表歸歟流水落花春去賸仙骨
墜龍藥店著書到老始終東野以詩鳴

平議書成世無不知先生者少微星隕天之將喪斯
文歟

後學伊立勳

壽考作人聲華蓋代 孫曾繼志著述等身

後學張羅澄

卓哉先生竟以經師老 嗟乎後學其如天下何

後學李前晉

萬餘卷巨手文章金石繼昌黎當代斯文天應未喪
五十年賞心絲竹蒼生懷謝傅不遺一老吾誰與歸

後學江蘇瀚

儒術正衰微一夢東堂猶及清時良有幸良師資久寥
落重游南國欲談古義更無從

後學卓孝復

湖山無恙倘重來知我公化鶴魂歸總難忘康節行窩
司空生壙文字有靈足千古想多士登龍戶祝信不
負少陵詩史通德經師

後學程錫煥

以巨筆題先大夫畫冊以長途贈予小子詩篇鯉簡相
往還謬荷至交曾許我 論享壽長郭令公一齡論著
書繼阮文達千古鴻名徧中外允推此老是傳人

後學鄒王賓

讀公一卷遺書公真不朽 贈我七言佳句我更難忘

館晚生陳啓泰

樸學老名山許鄭諸賢皆尙友 儒林標信史顧黃而
後此傳人

館晚生田 庚

拼命著書五百卷不朽文章與中興戰伐諸名臣同承

帝眷熱心垂教八十載長辭壇席正舉世擴張新學
界痛失師宗

館晚生潘 浩

國史總尊儒何須疑大海狂瀾讀五百卷遺書後無來
者門孫應許我迺祇賸木天閒話請廿三科前輩猶
及見之

館再晚羅長綺

一代大師異域梯航稱弟子千秋遺著中原壇坫祀
先生

鄉晚生周慶瑩

奪回星斗一枝筆
留得文章千古春

鄉晚生胡調元

經學名家詞章名家秦漢隸體更名家溯國朝二百餘
年抗手殆無人
是宜文苑儒林合爲一傳
山林福分
科第福分
祖孫文衡俱福
分享高壽
八十六歲歸眞復
奚憾卽論生榮歿感自有千秋

鄉晚生楊元勳

合四百萬言海內流傳大義闡羣經不愧名山垂盛業
悟八十六年人間游戲長吟成絕筆
彌留詩句了塵

緣

鄉晚生周猷鼎

才福兩能全始知牛斗宮中畢竟元枵勝磨蝎
德言
雙不朽爲問麒麟殿上幾人青史永垂鴻

鄉晚生管衡

袁簡齋爲文章伯亦身負重名以先生平議羣經出其
緒餘著述且踰卅六種顧亭林乃天下才而齒僅中
壽惟我公將登大耋同茲物望春秋更越廿三年

鄉晚生周思績

有隨園復有曲園學問文章昭代才名相輝映是經
師亦是人師泰山北斗故鄉碩望將安歸

鄉再晚周以藩

不事矜張不樹門戶讀春在堂全書方知名漢學實宋
學不海內仰止海外流傳攝白太傅小影何愧左文正
右文忠

鄉再晚金彭年

碩學冠當時溯錢嘉興朱秀水以還兩浙經師先後大
名垂國史鉅公多折節自曾鄉湘李合肥而後三吳
使者表章儒術達宸聰

鄉再晚葉重光

海內外人仰大師新說慨橫流賴有遺書詔稽古浙

東西里聯通德輕材愧私淑更無便座聽談經

鄉再晚葉清芬

嗚呼先生竟仙去矣終教渾渾無涯頌其詩讀其書未
見其人獨愴然兮淚下予將私淑噫嘻大道其孰從
乎自此滔滔皆是衷異服習異言更宗異教如不絕之
心傳我誰與歸

鄉再晚張鵬翔

君不見落形氣之中此緣利役彼爲名牽大地盡蜉蝣
秉受天才疇克稱海內文章名山著述人誰信值交
通而後甲學皮毛乙工形色中流存砥柱維持國粹猶

足動儒林景仰當道推崇

鄉再晚沈冠英

仁人用心利益甚溥祇因振淮海災黎書筆掃雲烟千
軸楹聯珍拱璧賢哲品題聲價自倍猶憶爰先人窀
穸墓銘光泉壤一方碑碣壽名山

鄉再晚張楚南

廿三載身受深恩湖防樹壘歆浦巡離鞅掌効馳驅差
幸父安答高厚入六齡壽逾大耄名著千秋堂羅四
代靈光忽傾圯痛教瞻仰失儀型

愚姪金武祥

砥柱中流賴一老，慙遺天使斯文傳。後死陶廬冰井，
重千秋攸託我懷。題句哭先生。

世弟徐賡陞

方丈接蓬瀛，天風引回博得名山真事業。空中聞鸞
鶴司命，今醉邀歸平地老神仙。

世姪盛宣懷

慨父執寥寥，朝野幾人靈光歸。然何意名留春在堂，神
歸右台館。數平生拳拳忠孝大節，著書餘事亦既遠。
追深甯叟近邁小倉翁。

世姪秦綬章